

Belgikako epaia ezin da Europako Batasunean eman, Gonzalezen ustez

Errefuxiatu estatutu eskaera aztertzea «astakeria» dela dio Bellochek

Felipe Gonzalezen ustez, Raquel Garcia eta Luis Moreno aske uzteko Bruselako Auzitegiak kaleratu duen epaia ezin da Europako Batasunean eman herrien arteko lankidetzaz oinarritutako. Belloch Justizia ministroak herriz, «astakeria» deritza Belgikak bi euskal herritarren asilo politiko eskaera aztertzeari.

BRUSSELA

Gaur Bruselan hasiko den Europako Kontseilua dela eta, Belgikan bertan dago Felipe Gonzalez atzotz geroztik. Bruselako Auzitegiaren erabakiari buruzko iritzirik ez zuen azaldu nahi izan Gonzalezek, auzi honetaz Espainiako Gobernuak duen jarrera, Justizia eta Barne ministroen bidez, aski ezaguna dela argudiatuz, baina hala ere, antzeko kasuak Europako Batasunean ez direla gertatu behar azpimarratu zuen, EBko herrien arteko lankidetzaz justizia eta barne arloetan oinarritutako duelako.

Gai honetaz hitz egiteko Jean Luc Dehaene Belgikako lehen ministroarekin biltzeko aukera baztertu zuen Gonzalezek, «egin zitekeena, errekurtsoa jartzea alegia, eginga baitago». Jose Maria Aznar PPko presidentek berriaz, gutuna bidali dio Dehaeneri erabaki judiziala zuzentzeko neurriak har ditzan eskatuz.

Bruselako Auzitegiak Raquel Garcia eta Luis Moreno ekainaz geroztik Belgikan kartzelaratu



Auzi honetaz hitz egiteko Belgikako lehen ministroarekin ez da bilduko Felipe Gonzalez.

EFE

zeuden bi euskal errefuxiatuak aske uztea agindu zuen herenegun, Espainiara estraditatu gero ez dutela epaiketa justu bat izateko aukerarik izango zioen Errefuxiatuentzako Komisariatu Nagusiaren txostena aintzat hartuz.

Auzitegiaren sententziaren aurrean Espainiak «gogor erreakzionatu» beharko duela esan zuen Juan Alberto Belloch Justizia ministroak, baina hala ere garrantzi gehiago eman zion asilo politiko eskaera aztertzeari, bertan erabakitzen denaren arabera Belgikako Gobernuak estradizioaren alde edo kontra agertuko dela uste baitu. Belgikako

Justizia Ministerioko iturriek azaldu dutenez, «presioak daude Komisariatu Nagusiak erabakia lehenbailehen har dezan».

Bellochen iritziz, «benetazko arazoa» Garcia eta Morenoren asilo eskaera onartzean datza, EKren esparruan gertatzen den lehen aldia baita, «idatzi gabeko hitzarmen moduko bat zen, EBko partaide diren herrialdeekiko asilo eskaerarik planteatzeko aukerarik izan ez zuena», Marc Bosuyt komisariaren erabakia «astakeriatzat» jo zuen ministroak.

Auzitegiaren sententziarekin egin duen bezala, errefuxiatu estatutua ematen badiete Belgika-

ko Gobernuak errekurtsoa jarriko duela azaldu zuen Bellochek.

Ministroak berak aitortu zuen Espainian eta Europako estatu gehienetan «zoritxarrez» tratatuak gertatzen direla.

AAB ETA ARZALLUZEN EUROPA Amnistiaren Aldeko Batzordeak «albiste ona» deritzote Garcia eta Morenoren askatzeari, «askatasuna lortzea beti ona baita eta Belgikako Justiziaren independentziaren sintoma baita».

Babes politikoaren eskaera bi oinarri dituela diote AABek: baitetik, «torturaren praktika Estatu espainolean», eta bestetik, «errefuxiatuen eskubideak errespetatu daitezkeen bermerik ez izatea».

Azkenik, Arzalluzen jarrera kritikatu dute, etorkizuneko Europar babes politikorako eskubiderik ez egotea ontzat emateagatik. «Arzalluzek argi utzi du erabateko agintea izango duen Poliziaren Europa babesten duela».

Giza eskubideen erabilpen politikoa ezetsi du BAKek

BILBO

Giza eskubideen nazioarteko eguna ospatzen da gaur. Bakearen Aldeko Koordinakundeak «giza eskubideen erabilpen politikoa euskal gizartearen arbuio orokorra» merezi duela adierazi zuen. Euskal Herrian giza eskubideek aurrerapena izan dutela adierazi arren «egun gertatzen diren eskubideen haustura guztiak eta bakoitzaren salatzen jarraitu behar dugu» azaldu zuten atzo prentsa agiri batez.

ETA erakunde armatuak eragindako hildakoak gaitzetsi zuen BAKek. Alde berean bizitzarako eskubidea lortzeaz dagoela nabarmendu zuten. Akatsak akats, Bernardo Atxiazaren etakidea erakunde horrek hildako pertsonen zerrendan jarri zuten.

Erakunde bakezaleak Poliziaren egoitzetan gertatutako bi heriotza ere salatu zituen, Gurutze Iantzi eta Xabier Kalpar sororenak alegia. Bere agiriaren BAKek adierazten du bi heriotza hauek «atxilotu edo espetxeraturakoei jasandako ustezko tratatu txar edo torturen kopurua neurritik kanpo handitu den ustea» gertatu direla.

Zentzu honetan BAKek adierazten du urruntasun handia dagoela «tratatu txar eta torturari buruzko legearen eta delitu horien inguruan suma daitekeen gizarte sentsibilizazioaren artean». Erakunde horrek giza eskubideen pedagogia hedatzea eskatu du «eskubide horiek arriskurik handiena instituzioetan izaten dituzte».

Azkenik BAKek Julio Iglesiasen bahiketa gaitzetsi zuen, berau «indarraren erakustaldi basatia» izan baita erakunde horren aburuz.

Entzutegi Nazionalaren haserrea

MADRIL

Clemente Auger eta Eduardo Fungairiño, hurrenez hurren, Entzutegi Nazionalako presidentek eta teniente-fiskalak gogor kritikatu zituzten atzo Raquel Garcia eta Luis Moreno aske uzteko eta errefuxiatu estatutu eskaera tramitera onartzeko Belgikako Justiziak hartu erabakiak.

Bi erabakiak lotuta daudela esan zuen Augerrekin, bere iritziz Moreno eta Garcia aske uzteko Bruselako Auzitegiaren epaia-zen azpian Errefuxiatuentzako Komisariatu Nagusiak asilo politiko eskaera aztertzeak erabakia hartu izana baitago. Asilo eskubideak eskatu duenaren izaera

politikoa ezagutzen duen neurrian, «ezin da eman, eta Europako Batasuneko herritar baten kasuan ezin da ezta tramitera onartu ere egin», adierazi zuen Entzutegi Nazionalako presidentek.

Eduardo Fungairiño Entzutegi Nazionalako fiskalaren esanetan, Bruselako Auzitegiaren erabakia «ohi ez bezalakoa eta harri-garria» izateaz gain, «sumingarria» ere bada «giza eskubideen bortxaketa argudiatzen delako». Hain zuzen, Fungairiño uste du lekuz kanpo dagoela Belgikako Gobernuak eta Justiziak giza eskubideen errespetua Espainian zalantzan jartzea.

Belgikaren eta Espainiaren arteko estradizio hitzarmena elka-

rraren arteko konfiantza oinarritzen dela azpimarratu zuen Fungairiño, eta Europako Batasuneko herrien artean «are gehiago». «Guk errespetu berbera dugu Iruñeko epaile batek emandako autoari eta Nanteseko edo Bordeleko batek emandakoari, eta inori ez zaio bururatzen estradizio eskaera bat betetzeko epaile horiei dituzten frogak eskatzea edo nola lortu dituzten galdetzea», adierazi zuen. Entzutegi Nazionalako fiskalaren arabera, «Belgikak ezin du esan 1993. urtean Espainiak ez dituela giza eskubideak errespetatzen».

Halaber, Gobernu espainiarrak izan duen jokarari «zuzena» iritzi zion Fungairiño.



TOLOSAKO UDALA

IRAGARKIA

Tolosako Udalak, 1993ko Urriaren 26an egindako ohizko batzarralean, Udalak berak sustaturiko honako proiektu hau, tramitean jartzea erabaki zuen: E.2 "Ibaiondoa" areako Barne Erreformatarako Egitasmo Bereziaaren aurrerakina.

Lurzor Legearen 103 artikuluan, eta Planeamendu Erregelamenduko 151 eta 125 artikuluetan xedatutakoaren arabera, aurrerakina informazio publikoan jartzen da, 30 laneguneko epean.

Informazio publikoa, korporazio, Elkarte eta partikularrek nahi dituzten iradokizun edo planeamenduko beste aukera batzuei aurkeztu ahal izateko da. Iragarri hau Gipuzkoako B. O. ean eta Egunkaria eta Diario Vasco egunkarietan argitaratuko da, eta informazio publikorako epea azken argitarapen datan biharamunetik zenbatuko da.

Aipatu epean, espedientearen jendearentzat agerian egongo da, Gorosabel Zahararren kokaturiko Hirigintza Bulegoan, egin nahi diren alegazioak, aipatu egoitzan dagoen Sarrera Erregistro Orokorrean aurkeztu beharko direlarik, Alkate-Lehendakari Jaunari zuzendurik.

Tolosa, 1993ko Azaroaren 30ean. ALKATEA